

সাসটেইনবল ফাইন্যান্স ডিপার্টমেন্ট
বাংলাদেশ ব্যাংক
প্রধান কার্যালয়
ঢাকা

এসএফডি সার্কুলার নং- ০২

তারিখ: জানুয়ারি ১৭, ২০২১
মাঘ ০৩, ১৪২৭

ব্যবস্থাপনা পরিচালক/প্রধান নির্বাহী
বাংলাদেশে কার্যরত সকল তফসিলী ব্যাংক ও আর্থিক প্রতিষ্ঠান

প্রিয় মহোদয়,

রপ্তানিমুখী শিল্পখাতের প্রযুক্তিগত উন্নয়নের জন্য পুনঃঅর্থায়ন তহবিল সংক্রান্ত।

গণপ্রজাতন্ত্রী বাংলাদেশ সরকারের রূপকল্প ২০২১, ২০২৪ সালের মধ্যে স্বল্পোন্নত দেশ (এলডিসি) থেকে উত্তরণ, ২০৩০ সালের মধ্যে টেকসই উন্নয়ন অভীষ্ট (SDGs) অর্জন এবং রূপকল্প ২০৪১ মোতাবেক দেশকে উন্নত দেশে উন্নীত করতে হলে মাথাপিছু রপ্তানি আয় এবং জিডিপি-তে মোট রপ্তানি আয়ের পরিমাণ উল্লেখযোগ্যভাবে বৃদ্ধি করতে হবে। সেক্ষেত্রে রপ্তানিমুখী শিল্পখাতের আধুনিকায়ন ও প্রযুক্তিগত উন্নয়নের বিকল্প নেই। এ জন্য আন্তর্জাতিক বাজারে রপ্তানিমুখী শিল্পখাতের প্রতিযোগিতামূলক সক্ষমতা ও টেকসইতা (Sustainability) অধিকতর বৃদ্ধিকল্পে পরিবেশবান্ধব উৎপাদন প্রক্রিয়া, জ্বালানি সাশ্রয় ও দক্ষতা, কর্মপরিবেশ উন্নয়ন এবং উৎপাদন যন্ত্রপাতি/মেশিনারিজ ও প্রযুক্তির আধুনিকায়ন প্রয়োজন।

এ প্রেক্ষাপটে, 'রপ্তানি নীতি ২০১৮-২১' এর আলোকে 'রপ্তানিমুখী শিল্পখাতের আধুনিকায়ন ও প্রযুক্তিগত উন্নয়ন সাধনকল্পে বাংলাদেশ ব্যাংক কর্তৃক Technology Development /Up-gradation Fund নামে ১০০০ (এক হাজার) কোটি টাকার পুনঃঅর্থায়ন তহবিল গঠন করা হয়েছে। উক্ত পুনঃঅর্থায়ন তহবিল সংক্রান্ত বিস্তারিত নীতিমালা নিম্নরূপঃ

১. **শিরোনামঃ** রপ্তানিমুখী শিল্পখাতের প্রযুক্তিগত উন্নয়নের জন্য পুনঃঅর্থায়ন তহবিল।
২. **তহবিল গঠনের সার্বিক উদ্দেশ্যঃ** রপ্তানিমুখী শিল্পখাতের আধুনিকায়ন ও প্রযুক্তিগত উন্নয়ন সাধন।
৩. **সুবিধাজোগীঃ** রপ্তানি নীতি ২০১৮-২০২১ এর আওতাধীন সর্বোচ্চ অগ্রাধিকারপ্রাপ্ত খাত ও বিশেষ উন্নয়নমূলক খাত।
৪. **তহবিলের আকারঃ** ১০০০ (এক হাজার) কোটি টাকা (আবর্তনশীল)।
৫. **তহবিলের উৎসঃ** বাংলাদেশ ব্যাংকের নিজস্ব উৎস।
৬. **পুনঃঅর্থায়ন যোগ্য কার্যক্রম/উদ্যোগের Development /Up-gradationঃ**

- ৬.১। সংশ্লিষ্ট শিল্পের মূখ্য উৎপাদন মেশিনারিজ/প্রযুক্তি;
- ৬.২। জ্বালানি দক্ষ বা নবায়নযোগ্য জ্বালানি সংক্রান্ত মেশিনারিজ/প্রযুক্তি;
- ৬.৩। বিজনেস প্রসেস রিইঞ্জিনিয়ারিং/বিজনেস প্রসেস অটোমেশন সংক্রান্ত মেশিনারিজ/প্রযুক্তি;
- ৬.৪। অপারেশন ম্যানেজমেন্ট সংক্রান্ত মেশিনারিজ/প্রযুক্তি;
- ৬.৫। বর্জ্য ব্যবস্থাপনা সংক্রান্ত মেশিনারিজ/প্রযুক্তি;
- ৬.৬। বায়ু ব্যবস্থাপনা সংক্রান্ত মেশিনারিজ/প্রযুক্তি;
- ৬.৭। তাপ ব্যবস্থাপনা সংক্রান্ত মেশিনারিজ/প্রযুক্তি;
- ৬.৮। কর্মপরিবেশ (অগ্নি ব্যবস্থাপনা, স্বাস্থ্য সেবা) ব্যবস্থাপনা সংক্রান্ত মেশিনারিজ/প্রযুক্তি;
- ৬.৯। পানি ব্যবহার ব্যবস্থাপনা সংক্রান্ত মেশিনারিজ/প্রযুক্তি;

৬.১০। মানব সম্পদ উন্নয়ন ও ব্যবস্থাপনা সংক্রান্ত আধুনিক প্রযুক্তি এবং

৬.১১। হিসাবায়ন, ইন্ভেস্টরি ব্যবস্থাপনা, বিপন্নন, বিক্রয় ও নিরাপত্তা ব্যবস্থাপনা প্রক্রিয়ার অটোমেশন সংক্রান্ত আধুনিক মেশিনারিজ/প্রযুক্তি।

উক্ত ১১ (এগার) টি কার্যক্রম/উদ্যোগের আওতায় রপ্তানি নীতি ২০১৮-২১ এ উল্লিখিত সর্বোচ্চ অগ্রাধিকারপ্রাপ্ত খাত ও বিশেষ উন্নয়নমূলক ৩২ (বত্রিশ) টি খাতের শিল্প অন্তর্ভুক্ত হবে।

৭. অংশগ্রহণকারী আর্থিক প্রতিষ্ঠান (Participating Financial Institution-PFI): এ তহবিলের আওতায় পুনঃঅর্থায়ন সুবিধা প্রাপ্তির জন্য আগ্রহী ব্যাংক ও আর্থিক প্রতিষ্ঠানসমূহকে বাংলাদেশ ব্যাংকের (মহাব্যবস্থাপক, সাসটেইনেবল ফাইন্যান্স ডিপার্টমেন্ট, বাংলাদেশ ব্যাংক, প্রধান কার্যালয়, ঢাকা) সাথে একটি অংশগ্রহণ চুক্তি (Participation Agreement-PA) সম্পাদন করতে হবে (Annexure-1)। এ অংশগ্রহণ চুক্তিতে আবদ্ধ ব্যাংক ও আর্থিক প্রতিষ্ঠানসমূহ Participating Financial Institution বা PFI হিসেবে গণ্য হবে। এ তহবিলের আওতায় বাংলাদেশ ব্যাংক কর্তৃক সময়ে সময়ে সাকুলার/সাকুলার লেটার এর মাধ্যমে জারিকৃত নির্দেশনাসমূহ PFI-কে পরিপালন করতে হবে।

৮. সুদ/মুনাফা-হার কাঠামোঃ

৮.১) বাংলাদেশ ব্যাংক কর্তৃক PFI হতে আদায়যোগ্য সুদ/মুনাফার হারঃ ব্যাংক হার (সময়ে সময়ে পরিবর্তনশীল) এর চেয়ে ১% কম।

৮.২) PFI কর্তৃক গ্রাহক হতে আদায়যোগ্য সুদ/মুনাফার হারঃ PFI পর্যায়ে বাংলাদেশ ব্যাংক কর্তৃক ধার্যকৃত সুদ/মুনাফার হার + (২%-৩%)

৮.৩) ঋণ/বিনিয়োগের মেয়াদ ভিত্তিতে গ্রাহক পর্যায়ে সুদ/মুনাফার হার নিম্নরূপভাবে নির্ধারিত হবেঃ

ঋণ/বিনিয়োগের মেয়াদকাল	ভিত্তি হার	PFI'র মার্জিন	গ্রাহক পর্যায়ে আদায়যোগ্য সুদ/মুনাফার হার
৫ বছরের কম	ব্যাংক হার (সময়ে সময়ে পরিবর্তনশীল) এর চেয়ে ১% কম	অনধিক ২%	ভিত্তি হার + PFI'র মার্জিন
৫ বছর বা ততোধিক কিন্তু ৮ বছরের কম	-ঐ-	অনধিক ২.৫%	-ঐ-
৮ বছর বা ততোধিক কিন্তু সর্বোচ্চ ১০ বছর পর্যন্ত	-ঐ-	অনধিক ৩%	-ঐ-

৯. সুদ/মুনাফা হিসাবায়ন ও ঋণ/বিনিয়োগ-মূলধন (Debt-Equity) অনুপাতঃ

৯.১) সুদ/মুনাফা হিসাবায়নঃ ক্রমহ্রাসমান পদ্ধতি (Reducing Balance Method)।

৯.২) ঋণ/বিনিয়োগ-মূলধন অনুপাতঃ এ তহবিলের আওতায় পুনঃঅর্থায়নের নিমিত্ত আবেদনের পূর্বে গ্রাহকের equity contribution-এর বিষয়টি নিশ্চিত করতে হবে। এক্ষেত্রে PFI সমূহ তাদের বিনিয়োগ/ঋণদান নীতিমালার (Investment/Credit Norms) আলোকে PFI-গ্রাহক সম্পর্কের ভিত্তিতে ঋণ/বিনিয়োগ-মূলধন অনুপাত নির্ধারণ করবে। তবে ঋণ/বিনিয়োগ-মূলধন অনুপাত ন্যূনতম ৭০ : ৩০ হতে হবে।

১০. পুনঃঅর্থায়ন সুবিধার মেয়াদকালঃ ৩-১০ বছর।

১১. পুনঃঅর্থায়ন সুবিধার ধরণঃ স্থানীয় মুদ্রায় মেয়াদী ঋণ/বিনিয়োগ (Term loan/investment)।

১২. গ্রেস পিরিয়ডঃ PFI ও গ্রাহক সম্পর্কের ভিত্তিতে নির্ধারিত হবে, তবে তা সর্বোচ্চ ১ বছর হবে।

১৩. গ্রাহক পর্যায়ে পুনঃঅর্থায়ন সুবিধা প্রাপ্তির যোগ্যতাঃ

১৩.১) এ তহবিলের আওতায় শিল্পের আধুনিকায়ন ও প্রযুক্তিগত উন্নয়নকল্পে মেশিনারিজ ও যন্ত্রাংশ/প্রযুক্তি সংগ্রহের লক্ষ্যে স্থানীয় মুদ্রায় গ্রাহকের অনুকূলে প্রদত্ত মেয়াদী ঋণ/বিনিয়োগের (Term loan/ investment) বিপরীতে পুনঃঅর্থায়ন সুবিধা প্রদানযোগ্য হবে। মেশিনারিজ/প্রকল্পের পরামর্শক খরচ, মেরামত সংক্রান্ত ব্যয়, রক্ষণাবেক্ষণ খরচ এবং চলতি মূলধন বাবদ কোনরূপ ব্যয় এ পুনঃঅর্থায়ন সুবিধার আওতাভুক্ত হবে না;

- ১৩.২) মেশিনারি/প্রকল্পের উৎপাদন ক্ষমতা, প্রকৃত ব্যয় ইত্যাদির আলোকে বিতরণকৃত ঋণ/বিনিয়োগের বিপরীতে প্রদেয় ঋণ/বিনিয়োগ কোনক্রমেই সংশ্লিষ্ট মেশিনারিজ/প্রকল্পের জন্য বাংলাদেশ ব্যাংক নির্ধারিত পুনঃঅর্থায়ন সীমা অতিক্রম করবে না;
- ১৩.৩) খেলাপী গ্রাহকের অনুকূলে প্রদত্ত ঋণ/বিনিয়োগের বিপরীতে পুনঃঅর্থায়ন সুবিধার আবেদন বিবেচ্য হবে না। PFI কর্তৃক পুনঃঅর্থায়ন সুবিধার আবেদন করার পূর্বে সংশ্লিষ্ট গ্রাহক ও তার স্বার্থ সংশ্লিষ্ট প্রতিষ্ঠানসমূহের হালনাগাদ সিআইবি রিপোর্ট সংগ্রহ এবং ঋণগ্রহীতা ঋণ খেলাপী নয় মর্মে নিশ্চিত হতে হবে;
- ১৩.৪) PFI কর্তৃক যৌক্তিক কারণে ঋণ/বিনিয়োগ অধিগ্রহণের ক্ষেত্রে সংশ্লিষ্ট ঋণ/বিনিয়োগের সুদ/মুনাফা মওকুফকৃত হলে/গ্রাহকের ঋণ/বিনিয়োগ অবলোপনের ইতিহাস থাকলে তা পুনঃঅর্থায়নের অযোগ্যতা হিসেবে বিবেচিত হবে;
- ১৩.৫) PFI-এর অর্থায়নে মেশিনারিজ/প্রকল্প যৌক্তিক কারণে চালু করণের বিলম্বের ক্ষেত্রে সংশ্লিষ্ট মেশিনারিজ/প্রকল্প চালু হওয়ার অনধিক ০৬ (ছয়) মাসের মধ্যে PFI কর্তৃক তাদের অর্থায়নের বিপরীতে পুনঃঅর্থায়ন সুবিধা প্রাপ্তির আবেদন করতে পারবে;
- ১৩.৬) বিতরণকৃত ঋণ/বিনিয়োগের বিপরীতে বাংলাদেশ ব্যাংকের বা উন্নয়ন সহযোগীদের বা অন্য কোনো উৎস হতে পুনঃঅর্থায়ন সুবিধা গৃহীত হয়ে থাকলে এ তহবিলের আওতায় পুনঃঅর্থায়ন বিবেচ্য হবে না এবং
- ১৩.৭) Export Bill অপ্রত্যাভাসিত থাকলে (Guidelines for Foreign Exchange Transactions-GFET এ বর্ণিত নির্ধারিত সময় পর্যন্ত) এ তহবিলের আওতায় পুনঃঅর্থায়ন বিবেচ্য হবে না।

১৪. PFI পর্যায়ে পুনঃঅর্থায়ন সুবিধা প্রাপ্তির যোগ্যতাঃ

- ১৪.১) শ্রেণিকৃত ঋণ/বিনিয়োগ (Classified Loan) এর হার ১০% এর অধিক হবে না;
- ১৪.২) পুনঃঅর্থায়ন সুবিধার জন্য আবেদনকালে মূলধন পর্যাপ্ততা (Capital Adequacy), সংস্থান সংরক্ষণ (Provision Maintenance), নগদ সংরক্ষণ হার (CRR) ও বিধিবদ্ধ তরল সম্পদ সংরক্ষণ হার (SLR) বাংলাদেশ ব্যাংক কর্তৃক নির্ধারিত হারে সংরক্ষণ করতে হবে;
- ১৪.৩) CAMELS Rating ন্যূনতম ৩ হতে হবে;
- ১৪.৪) একক গ্রাহক বা গোষ্ঠীর ক্ষেত্রে ঋণ/বিনিয়োগ সুবিধার সর্বোচ্চ সীমা সংক্রান্ত বাংলাদেশ ব্যাংকের নীতিমালা (বিআরপিডি সার্কুলার নং-০২/২০১৪ ও বিআরপিডি সার্কুলার লেটার নং-০৪/২০১৬) অনুসরণ করা এবং
- ১৪.৫) বাংলাদেশ ব্যাংক কর্তৃক সময়ে সময়ে জারিকৃত ঝুঁকি ব্যবস্থাপনা সংক্রান্ত সকল নীতিমালার পরিপালন নিশ্চিত করতে হবে।

১৫. শিডিউল অব চার্জেসঃ

ঋণ/বিনিয়োগের শিডিউল অব চার্জেস (অনুচ্ছেদ ৮-এ বর্ণিত সুদ/মুনাফা হার ব্যতীত) এর ক্ষেত্রে বাংলাদেশ ব্যাংকের ব্যাংকিং প্রবিধি ও নীতি বিভাগ (ব্যাংকের জন্য) এবং আর্থিক প্রতিষ্ঠান ও বাজার বিভাগ (আর্থিক প্রতিষ্ঠানের জন্য) কর্তৃক সময়ে সময়ে জারিকৃত এ সংক্রান্ত নির্দেশনা অনুযায়ী নির্ধারিত হবে। কোন ধরনের লুক্কায়িত খরচ (Hidden Expenses) বা অন্য কোন ধরনের চার্জ/ফি/সুদ/মুনাফা আরোপ করা যাবে না। তবে, প্রয়োজ্য ক্ষেত্রে সরকার কর্তৃক আরোপিত/ধার্যকৃত গুণ্ড/কর আদায়যোগ্য হবে।

১৬. পুনঃঅর্থায়নের আবেদন প্রক্রিয়াঃ

- ১৬.১) PFI কর্তৃক ব্যবস্থাপনা পরিচালক/প্রধান নির্বাহী কর্মকর্তার স্বাক্ষরিত আবেদনপত্র এবং ১৮.২ নং অনুচ্ছেদে বর্ণিত দলিলাদি সহকারে মহাব্যবস্থাপক, সাসটেইনেবল ফাইন্যান্স ডিপার্টমেন্ট, বাংলাদেশ ব্যাংক, প্রধান কার্যালয়, ঢাকা বরাবর দাখিল করতে হবে।
- ১৬.২) পুনঃঅর্থায়ন সুবিধার আওতায় PFI কর্তৃক মঞ্জুরীকৃত ঋণ বিতরণের (Disbursed) পরবর্তী ৯০ (নব্বই) দিনের মধ্যে বাংলাদেশ ব্যাংক বরাবর আবেদন করতে হবে।
- ১৬.৩) এ তহবিলের আওতায় বিতরণকৃত PFI সমূহের অর্থায়নের সমপরিমাণ অথবা বিশেষজ্ঞ/বিশেষজ্ঞ প্রতিষ্ঠান কর্তৃক প্রাক্কলিত মূল্য/প্রকল্প খরচের সমপরিমাণ পুনঃঅর্থায়ন সুবিধা বিবেচ্য হবে। তবে দাখিলকৃত আবেদন ও তদসংশ্লিষ্ট

দলিলাদি, সরেজমিন পরিদর্শন পরিবেদন ইত্যাদি পর্যালোচনা সাপেক্ষে পুনঃঅর্থায়ন সুবিধার সীমা নির্ধারণে বাংলাদেশ ব্যাংকের সিদ্ধান্তই চূড়ান্ত মর্মে গণ্য হবে।

১৭. পুনঃঅর্থায়ন আদায় প্রক্রিয়াঃ

- ১৭.১) PFI কর্তৃক পুনঃঅর্থায়ন সুবিধা ত্রৈমাসিক কিস্তিতে নির্দিষ্ট পরিশোধ সূচী অনুযায়ী আদায়যোগ্য হবে।
- ১৭.২) PFI এর অনুকূলে প্রদত্ত পুনঃঅর্থায়ন সুবিধার পরিশোধ সূচী বাংলাদেশ ব্যাংক কর্তৃক প্রণীত হবে। গ্রাহকের অনুকূলে ব্যাংকের অর্থায়নের বিপরীতে পরিশোধ সূচী সংশ্লিষ্ট PFI কর্তৃক প্রণয়ন করতে হবে এবং বাংলাদেশ ব্যাংকে দাখিল করতে হবে।
- ১৭.৩) পরিশোধ সূচী অনুযায়ী নির্ধারিত তারিখে পরিশোধযোগ্য কিস্তি সুদ/মুনাফাসহ বাংলাদেশ ব্যাংকে রক্ষিত সংশ্লিষ্ট PFI এর চলতি হিসাব থেকে কর্তন করে নেয়া হবে।
- ১৭.৪) নির্ধারিত সময়ের পূর্বে কোন গ্রাহক ঋণ/বিনিয়োগ সমন্বয় করলে যে সময়ের জন্য গ্রাহক উক্ত ঋণ/বিনিয়োগ সুবিধা গ্রহণ করেছে, পুনঃঅর্থায়ন সুবিধাও সর্বোচ্চ উক্ত সময়ের জন্য প্রযোজ্য হবে। এক্ষেত্রে অংশগ্রহণকারী ব্যাংক ও আর্থিক প্রতিষ্ঠান পুনঃঅর্থায়ন সুবিধাবাবদ গৃহীত অর্থ মেয়াদ উত্তীর্ণের পূর্বে সমন্বয় করতে পারবে। তবে PFI সমূহ ঋণ/বিনিয়োগ সমন্বয় হওয়া মাত্রই গ্রাহকের Loan/Investment Account Statement সহ ঋণ/বিনিয়োগ সমন্বয়ের বিষয়টি বাংলাদেশ ব্যাংককে অবহিত করবে। মেয়াদ পূর্তির পূর্বে ঋণ সমন্বয়ের জন্য গ্রাহক পর্যায়ে কোন প্রকার চার্জ/ফি আদায় করা যাবে না।
- ১৭.৫) সিভিকিটেড ফাইন্যান্সিং-এর ক্ষেত্রে শুধুমাত্র লিড PFI বাংলাদেশ ব্যাংক বরাবরে পুনঃঅর্থায়নের জন্য আবেদন করবে এবং উক্ত পুনঃঅর্থায়নকৃত অর্থের ত্রৈমাসিক কিস্তি লিড PFI এর নিকট হতে আদায় করা হবে। সিভিকেশনে অন্তর্ভুক্ত অন্যান্য PFI সমূহকে আনুপাতিক হারে পুনঃঅর্থায়ন সুবিধা বন্টনসহ পুনঃঅর্থায়নকৃত অর্থের কিস্তি আদায় ও অন্যান্য দায়-দায়িত্ব সম্পূর্ণরূপে লিড PFI এর উপর ন্যস্ত থাকবে। লিড PFI সহ সিভিকেশনে অন্তর্ভুক্ত সকল PFI সমূহকে ৭ নং অনুচ্ছেদ মোতাবেক অংশগ্রহণ চুক্তি (PA) সম্পাদন করতে হবে।
- ১৭.৬) পরিশোধ সূচী অনুযায়ী নির্ধারিত তারিখে PFI সমূহকে বাংলাদেশ ব্যাংকে রক্ষিত তাদের চলতি হিসাবে পর্যাপ্ত তহবিল/স্থিতি সংরক্ষণ করতে হবে। পুনঃঅর্থায়ন সুবিধার কিস্তি আদায়কালে PFI সমূহের চলতি হিসাবে তহবিল/স্থিতি অপরিপূর্ণতার কারণে বকেয়া/কিস্তি আদায় করা সম্ভব না হলে, আদায়যোগ্য অর্থ পুনঃঅর্থায়নকালে আরোপিত সুদ/মুনাফার হার অপেক্ষা ৫% অধিক হারে অতিরিক্ত সময়ের জন্য সুদ/মুনাফাসহ তহবিল/স্থিতি পর্যাপ্ততা সাপেক্ষে আদায় করা হবে।

১৮. দালিলিক চেকলিস্টঃ

- ১৮.১) পুনঃঅর্থায়ন সুবিধা প্রাপ্তির লক্ষ্যে PFI কর্তৃক Demand Promissory Note (Annexure-2), Letter of Continuity (Annexure-3), Letter of Debit Authority (Annexure-4) দাখিল করতে হবে।
- ১৮.২) বাংলাদেশ ব্যাংক বরাবরে পুনঃঅর্থায়নের জন্য আবেদনকালে সংশ্লিষ্ট ব্যাংক/আর্থিক প্রতিষ্ঠান নিম্নোক্ত দলিলাদি দাখিল করতে হবেঃ
 - ক) গ্রাহকের হালনাগাদ সিআইবি রিপোর্ট;
 - খ) পুনঃঅর্থায়ন সুবিধার আওতায় ঋণ/বিনিয়োগ গ্রহণ বিষয়ে গ্রাহকের পত্র;
 - গ) ঋণ/বিনিয়োগ বিষয়ে গ্রাহকের আবেদনপত্র;
 - ঘ) মঞ্জুরীপত্রের কপি;
 - ঙ) মেয়াদী ঋণ/বিনিয়োগের চুক্তি;
 - চ) মেয়াদী ঋণ/বিনিয়োগের পরিশোধ সূচী;
 - ছ) ঋণ/বিনিয়োগ হিসাবের হালনাগাদ বিবরণী;

- জ) সংশ্লিষ্ট ব্যয় সংক্রান্ত বিবরণী ও অন্যান্য দলিলাদি;
- ঝ) গ্রাহক ও সংশ্লিষ্ট প্রকল্পের প্রোফাইল;
- ঞ) সরকারের সংশ্লিষ্ট মন্ত্রণালয়/প্রতিষ্ঠান/অধিদপ্তর কর্তৃক নিবন্ধিত/অনুমোদিত বিশেষজ্ঞ প্রতিষ্ঠান অথবা বাংলাদেশের স্বীকৃত বিশ্ববিদ্যালয়ের সংশ্লিষ্ট খাত বিশেষজ্ঞ কর্তৃক শিল্পের আধুনিকায়ন ও প্রযুক্তিগত উন্নয়নকল্পে প্রাক্কলিত মূল্যায়ন/প্রকল্প খরচসহ টেকনিক্যাল রিপোর্ট এবং
- ট) বাংলাদেশ ব্যাংকে দাবীকৃত পুনঃঅর্থায়নের বিপরীতে গ্রাহক অন্য কোন উৎস/ প্রতিষ্ঠান হতে পুনঃঅর্থায়ন সুবিধা গ্রহণ করেনি মর্মে ব্যাংক/আর্থিক প্রতিষ্ঠানের প্রত্যয়নপত্র।

১৯. রপ্তানিমুখী শিল্পখাত সংশ্লিষ্ট প্রযুক্তি/মেশিনারিজ: রপ্তানিমুখী শিল্পখাতের প্রযুক্তিগত উন্নয়নের উদ্দেশ্যে Technology Development /Up-gradation Fund হতে পুনঃঅর্থায়ন সুবিধার জন্য 'রপ্তানি নীতি ২০১৮-২১' এ উল্লিখিত সর্বোচ্চ অগ্রাধিকারপ্রাপ্ত খাত ও বিশেষ উন্নয়নমূলক খাতের শিল্প সংশ্লিষ্ট প্রযুক্তি/মেশিনারিজ সমূহ বিবেচিত হবে। গ্রাহক পর্যায়ে চাহিদা সাপেক্ষে PFI সমূহ কর্তৃক বাংলাদেশ ব্যাংক বরাবর দাখিলকৃত আবেদন যথাযথ পর্যালোচনা সাপেক্ষে রপ্তানিমুখী শিল্পখাত সংশ্লিষ্ট নতুন প্রযুক্তি/মেশিনারিজ এ তালিকায় অন্তর্ভুক্ত করা হবে।

২০. রিপোর্টিং ও মনিটরিং:

- ২০.১) PFI সমূহ পুনঃঅর্থায়ন বাবদ গৃহীত অর্থের হালনাগাদ বিবরণী (ত্রৈমাসিক ভিত্তিতে এবং ব্যবস্থাপনা পরিচালক/প্রধান নির্বাহী অথবা তার মনোনীত কর্মকর্তা কর্তৃক স্বাক্ষরিত ফরওয়ার্ডিং লেটারসহ) সংযোজিত ছক (Annexure-5) অনুযায়ী ত্রৈমাসিক অন্তর্গত পরবর্তী ১৫ (পনের) দিনের মধ্যে 'মহাব্যবস্থাপক, সাসটেইনেবল ফাইন্যান্স ডিপার্টমেন্ট, বাংলাদেশ ব্যাংক, প্রধান কার্যালয়, ঢাকা' বরাবর দাখিল করতে হবে। যে সকল PFI পুনঃঅর্থায়ন সুবিধা গ্রহণ করেনি তারা শূণ্য বিবরণী দাখিল করবে। সিন্ডিকেশন ফাইন্যান্সিং এর ক্ষেত্রে লিড PFI সহ সকল সদস্য PFI তাদের স্ব স্ব পুনঃঅর্থায়নের অংশ পৃথক পৃথক ভাবে সংযোজিত ছক অনুযায়ী ত্রৈমাসিক বিবরণী দাখিল করবে।
- ২০.২) পুনঃঅর্থায়ন সম্পর্কিত বাংলাদেশ ব্যাংকের যাচিত বিবরণী/তথ্যাদি নির্ধারিত সময়ের মধ্যে দাখিল করতে হবে। অন্যথায় বিদ্যমান আইন ও বিধি-বিধান মোতাবেক ব্যবস্থা গ্রহণ করা হবে। এছাড়া, পুনঃঅর্থায়ন সম্পর্কিত তথ্যাদি প্রধান কার্যালয় ও শাখা পর্যায়ে সংরক্ষণ নিশ্চিত করতে হবে।
- ২০.৩) বাংলাদেশ ব্যাংক কর্তৃক পুনঃঅর্থায়ন সুবিধা মঞ্জুরির পূর্বে সংশ্লিষ্ট প্রকল্প ও দলিলাদি সরেজমিনে যাচাই করা হবে। পুনঃঅর্থায়নের ৩ (তিন) মাসের মধ্যে বাংলাদেশ ব্যাংক হতে পরিদর্শন দল কর্তৃক সংশ্লিষ্ট PFI এবং পুনঃঅর্থায়ন সুবিধাভোগী প্রতিষ্ঠানের প্রকল্প কার্যক্রমের বাস্তবায়ন ও অগ্রগতি সরেজমিনে যাচাই করা হবে। প্রথম পরিদর্শন হতে পরবর্তী ০৬ (ছয়) মাস পরপর (বাংলাদেশ ব্যাংক এর সিদ্ধান্তক্রমে যে কোন সময়সহ) পুনঃঅর্থায়ন এর মেয়াদ পর্যন্ত উক্ত পরিদর্শন কার্যক্রম পরিচালিত হবে এবং সংশ্লিষ্ট প্রকল্প কার্যক্রমের বাস্তবায়ন ও অগ্রগতির মূল্যায়ন করা হবে। পুনঃঅর্থায়ন সুবিধা অনুমোদনপরবর্তী মেয়াদের মধ্যে সংশ্লিষ্ট PFI ও পুনঃঅর্থায়ন সুবিধাভোগী প্রতিষ্ঠানের প্রকল্প কার্যক্রমের বাস্তবায়নে কোনরূপ ব্যত্যয় প্রমাণিত হলে বাংলাদেশ ব্যাংক কর্তৃক সংশ্লিষ্ট পুনঃঅর্থায়ন সুবিধা বাতিল করা হবে।
- ২০.৪) PFI কোনো ভুল তথ্য প্রদানপূর্বক পুনঃঅর্থায়ন সুবিধা গ্রহণ করলে কিংবা ঋণ/বিনিয়োগের অর্থ সদ্যবহার হয় নি মর্মে বাংলাদেশ ব্যাংকের সরেজমিনে পরিদর্শনে উদ্ঘাটিত হলে কিংবা স্কিমের আওতায় সুবিধাপ্রাপ্ত গ্রাহক বিরূপমানে শ্রেণিকৃত হওয়ার পরও তা বাংলাদেশ ব্যাংকে অবহিত না করলে অংশগ্রহণ চুক্তিপত্রের শর্তানুসারে পুনঃঅর্থায়ন বাবদ প্রদত্ত অর্থ বাংলাদেশ ব্যাংক কর্তৃক ধার্যকৃত সুদ/মুনাফা হারসহ অতিরিক্ত ৫% হারে সুদ/মুনাফাসহ এককালীন চলতি হিসাব হতে কর্তন করা হবে।

২১. অন্যান্য শর্তাদি: ঋণ/বিনিয়োগ গ্রহীতা নির্বাচন, ঋণ/বিনিয়োগ সুবিধা মঞ্জুর ও বিতরণ, ঋণ/বিনিয়োগ সংশ্লিষ্ট দলিলাদি সম্পাদন, debt-equity অনুপাত, ঋণ/বিনিয়োগের অর্থের সদ্যবহার ও ঋণ/বিনিয়োগ বিতরণ-পরবর্তী তদারকির ব্যাপারে ব্যাংক ও আর্থিক প্রতিষ্ঠানসমূহ তাদের ঋিকি ব্যবস্থাপনার নীতিমালার পাশাপাশি এ সংক্রান্ত বাংলাদেশ ব্যাংকের নির্দেশনাসহ বিদ্যমান অন্যান্য সংশ্লিষ্ট বিধি-বিধানসমূহের আলোকে নিয়মাচার অনুসরণ করতঃ গ্রাহকের অনুকূলে ঋণ/বিনিয়োগ সুবিধা প্রদান করবে। বিতরণকৃত ঋণ/বিনিয়োগ আদায়ের সকল দায়-দায়িত্ব ঋণ/বিনিয়োগ বিতরণকারী ব্যাংক ও আর্থিক প্রতিষ্ঠানসমূহের উপর ন্যস্ত থাকবে। গ্রাহক

পর্যায়ে ঋণ/বিনিয়োগ আদায়ের সাথে বাংলাদেশ ব্যাংকের নিকট সংশ্লিষ্ট পুনঃঅর্থায়নকৃত অর্থের কিস্তি পরিশোধের কোন সম্পর্ক থাকবে না।

২২. পুনঃঅর্থায়ন তহবিলের শর্তাদি বিষয়ে যে কোনো সংযোজন, বিয়োজন এবং পরিমার্জনের অধিকার **সাসটেইনেবল ফাইন্যান্স ডিপার্টমেন্ট, বাংলাদেশ ব্যাংক** সংরক্ষণ করে।

২৩. ব্যাংক কোম্পানি আইন, ১৯৯১ (২০১৮ সালে সংশোধিত) এর ৪৫ ধারা ও আর্থিক প্রতিষ্ঠান আইন, ১৯৯৩ (২০০৩ সালে সংশোধিত) এর ১৮(ছ) ধারায় প্রদত্ত ক্ষমতাবলে এ সার্কুলার জারি করা হলো যা অবিলম্বে কার্যকর হবে।

সংযুক্তিঃ বর্ণনা মোতাবেক।

আপনাদের বিশ্বস্ত,



(খন্দকার মোরশেদ মিল্লাত)

মহাব্যবস্থাপক

ফোন নং: ৯৫৩০৩২০

Email: gm.sfd@bb.org.bd

morshed.millat@bb.org.bd